



Broj: UP1 08-16-19-4-5/25  
Sarajevo, 19.02.2025. godine

Na osnovu člana 70. i člana 90. Zakona o javnim nabavkama („Službeni glasnik BiH“, br. 39/14, 59/22 i 50/24) na osnovu prijedloga Komisije za javne nabavke, direktor Agencije donosi

### **ODLUKU** **o izboru najpovoljnijeg ponuđača**

1. Prihvata se ponuda ponuđača **Autopraonica „Magic“ d.o.o.** od 18.02.2025. godine u **iznosu od 1.020,00 KM** u postupku direktnog sporazuma – nabavka usluge pranja službenih vozila.
2. Ponuđaču Autopraonica „Magic“ d.o.o. dodjeljuje se ugovor za nabavku usluge pranja službenih vozila.
3. Ova Odluka stupa na snagu danom donošenja i dostavlja se ponuđaču.

### **Obrazloženje**

Na osnovu zahtjeva za nabavku broj: UP1 08-16-19-4-1/25 od 12.02.2025. godine je pokrenut postupak direktnog sporazuma za nabavku usluge pranja službenih vozila Agencije. U skladu sa Privremenim planom javnih nabavki za 2025. godinu u Agenciji za zaštitu ličnih podataka u Bosni i Hercegovini utvrđeno je da procijenjena vrijednost nabavke iznosi 1.025,64 KM bez PDV-a, odnosno 1.200,00 KM sa PDV-om.

Zahtjev za dostavljanje ponude je dostavljen ponuđaču Autopraonica „Magic“ d.o.o. U obrascu za cijenu ponude je tražena ponuda za 85 pranja za tri službena vozila Agencije za zaštitu ličnih podataka u Bosni i Hercegovini. U ostavljenom roku je stigla ponuda na iznos od 12,00 KM za jediničnu cijenu za traženu uslugu.

U skladu sa članom 65. Zakona o javnim nabavkama Bosne i Hercegovine, Komisija za javne nabavke je izvršila ocjenu zaprimljene ponude i sačinila Zapisnik broj: UP1 08-16-19-4-4/25 od 18.02.2025. godine koji je prihvaćen i potpisan od strane članova Komisije.

Ponuda ponuđača Autopraonica „Magic“ d.o.o. je u okvirima planiranih sredstava i ista se prihvata. Sa navedenim ponuđačem biti potpisan ugovor o nabavci usluge.

Shodno navedenom, a u skladu sa članom 90. Zakona o javnim nabavkama u Bosni i Hercegovini, odlučeno je kao u dispozitivu.

